

LELEME LA GAE MPHATO WA 2

# Bubu, ngwana wa tlou o a timela



SEPEDI

Kgato  
ya:

2

Puku ya

I



# Go bala ka sehlopha ga go hlahlwa

## Pele o bala

- Phetlolla matlakala a kanegelo yeo ba tlilego go e bala. Boledisanang ka ga diswantsho.
- Kgopela barutwana gore ba nagane gore kanegelo e ka ba mabapi le eng ka go lebelela hlogo ya kanegelo le diswantsho.
- Hlagisa mantšu a maswa goba a bothata pele barutwana ba ka bala kanegelo.
- Dira dikarata tša mantšu e le go hlagisa tlotlontšu ye mpsha (lebelela lenaneo la tlotlontšu ye mpsha kua bokagareng bja letlakala la mafelolo la khabara.

## Go bala la mathomo

- Barutwana ba swanetše go bala sengwalwa ka bobona
- Barutwana ba swanetše go bala ka setu goba ba ka bala ka go hebehebetša
- Tloga go morutwana yo o ye go yo mongwe, gomme o kgopele morutwana yo mongwe le yo mongwe gore a balele karolo ye nngwe ya sengwalwa godimo

## Ditherišano

- Botšisa dipotšiso tša tekatlhao loganyo tše di theilwego godimo ga sengwalwa
- O tla lemoga gore mešongwana ye e lego kua mafelelong a puku e bohlokwa go hlahlha ditherišano ka phapošing. (Kgetha mešongwana ya maleba yeo e swanelago boemo bja barutwana.)

## Go bala labobedi.

- Mo go matšatši ao a latelago, dumelela barutwana go bala puku gape, ka babedi ka babedi goba morutwana a le noši.
- Ela šedi go bala ka go thelela, popopolelo le tlotlontšu.
- E re barutwana ba ngwale mešongwana ya dihlopha ya go hlahlwa yeo e lego kua mafelelong a puku. (Kgetha mešongwana ya maleba yeo e swanelago boemo bja barutwana.)

E re barutwana ba diragatše diteng  
tša sengwalwa ge go kgonega.



Barutwana ba swanetše go dira mešongwana ye e theilwego godimo ga go bala ka dihlopha ka morago ga ge ba badile. E re barutwana ba šome ka dihlopha go ngwala mešongwana ya maleba ya go bala ka dihlopha yeo e lego kua mafelelong a puku. Ba se ke ba ngwala ka pukung ye. Mešongwana ya go ngwalwa e swanetše go ngwalwa ka dipukung tša bona tša go ngwalela.

# Bubu, ngwana wa tlou o a timela




Kgalekgale ditlou ka moka di be  
di na le dipogo tše kopana.

Ka letšatši le lengwe ditlou di be  
di iketlile di e ja.

Bubu, ngwana wa tlou, o ile a  
sepela, a tlogela ba lapa la gabo.  
O ile a sepela, a sepela, a sepela.  
O be a sa kwe ge ba mmitša.

“Ke nyaka go bona lefase,”  
a realo Bubu.



Go se go ye kae, Bubu a timela.  
"Ke nyaka ba gešo," a nagana.


Go se go ye kae, a gahlana le tau.

"Naa ke nna tau?"

"Naa ke wa leloko la geno?"

Bubu a botšiša.

"Aowa. Wena ga o na meno a  
magolo ebile ga o kgone go rora.  
O swanetše go ya go mmago,"  
tau ya realo.



Gona fao o ile a sepela a theogela  
nokeng, moo a gahlanego le kubu.  
Bubu o ile a botšiša kubu:

"Naa ke nna kubu? Naa ke wa  
leloko la geno?"

"Aowa. O ka se kgone go robala  
ka meetseng. O na le ditsebe  
tše dikgolo, gomme nna ke na le  
ditsebe tše nnyane. O swanetše go  
ya go mmago," gwa realo kubu.



O sepetše, a sepela go fihla ge a  
gahlana le thutlwa.

O ile a lebelela godimo, a lebelela  
thutlwa, kua godimo.


Bubu o ile a botšiša thutlwa, a re:

“Naa ke wena mma?”

“Naa ke wa leloko la geno?”

“Aowa. O na le molala wo  
mokopana.


O swanetše go ya go mmago,”  
gwa realo thutlwa.



O sepetše, a sepela, go fihla ge a  
thetšega, ka ge a gatile khudu.  
O ile a lebelela kua go lego  
khudu.

"Naa ke wa leloko la geno?"  
gwa botšiša Bubu.

"Aowa. Wena ga o rwale ntlo ya  
gago mo mokokotlong wa gago.  
O swanetše go ya go mmago,"  
gwa realo khudu.




Bubu o ile a fihla nokeng, gomme  
a bona kwena. Kwena e be e  
nyaka go swara Bubu gore a be  
letena la yona.

Bubu o ile a botšiša kwena, a re:  
"Naa ke wa leloko la geno?  
Naa ke nna ngwana wa gago?"

"Batamela, gore ke go bone  
bokaone," gwa realo kwena.

Bubu o ile a tsena ka meetseng,  
a sepelela moo go lego kwena,  
gomme ...



Kwena e ile ya swara Bubu ka  
nko. E ile ya mo goga, ya mo goga.

Ka yona nako yeo, MmagoBubu  
o ile a bona ngwana wa gagwe.

"Lesa ngwana wa ka!" O ile a  
goelela kwena ka bogale.

O gogile Bubu ka mosela wa  
gagwe, a mo ntšha ka nokeng.

"Bubu, ngwanaka! O be o le  
kae?" gwa botšiša MmagoBubu.  
Ka go nyama, Bubu a re, "Ke be  
ke go nyaka".




"Banna! Bonang pogo ya ka ye telele," gwa realo Bubu.

"Ke bonagala eke ke setlaela."

"O se ke wa tshwenyega," gwa realo nonyana ye nnyane. "O ka šomiša pogo ya gago ye telele go gaša meetse le go fula dienywa," gwa realo nonyana.

Bubu o sepetše a tloga, a tšama a hwidinya pogo ya gagwe. O bile le meswaso ye mentši ka pogo ya gagwe ye telele. Ditlou tše dingwe ge di mmona, di ile tša duma ge le tšona di ka be di na le dipogo tše ditelele.

Ka moka ga tšona di ile tša tšeа  
sephetho sa gore le tšona di  
ngange dinko tša tšona. Go fihla  
ge lehono ditlou ka moka di sa na le  
dipogo tše ditelele.




Bubu, le gatee, ga se a hlwa a  
eya kgole le ba lapa gape.

O be a tseba gore ga se yena  
tau goba kubu. O be a se  
thutlwa goba khudu, gape, o  
be a se kwena.

O be a le Bubu, gape, o be a  
le tlou. O be a le wa leloko la  
ditlou.

"Ke nna tlou," gwa realo Bubu.

**Ipshine ka go ba wena wa  
nnete!**





# Nnete ka ga diphoofto

## DITLOU



1

Ditlou tša Afrika, tša ditshadi le tša ditona di na le manaka. Di šomišetša manaka a tšona go epa le go hwetša dijo.



2

Ditlou tše tona di bitšwa ditloutona. Ditlou tša ditshadi di bitšwa ditloutshadi. Bana ba ditlou ba bitšwa mamane.



3

Tlou ye kgolo e ka ja dikilogramo tša go fihla go 300 tša dijo tša ba tša nwa dilitara tše 160 tša meetse ka letšatši.



4

Sehlopha sa ditlou se bitšwa mohlape.




5

Ka tlwaelo ditlou di robala fela diiri tše 2 goba tše 3 letšatši le lengwe le le lengwe.



6

Ditlou di kgona go kwa go goelela ga tlou ye nngwe bokgole bja dikilometara tša go fihla go tše 8.




7

Ditlou tša Afrika di na le bokgoni bjo bobotsebotse bja go kwa monkgo. Di kgona go nkgelela meetse ao a lego bokgole bja dikilometara tše 19.




8

Tlou ya go feta ditlou ka moka ka bogolo bjoo bo rekotilwego e bile le boima bja dikilogramo tše di ka bago tše **10 886** gomme e bile ya botelele bja dimetara tše **3,96**.



9

Ditlou di tla šomiša dipogo tša tšona go itšhela ka meetse a go tonya ge go fiša kudukudu.



10




Ditlou di ka tshungwa ke letšatši, ka fao, di itshireletša ka go itšhela ka lešabašaba le ka leraga.

# Mešongwana ya go bala ka sehlopha



1

Bolela gore ke seswantšho sefe seo e lego sa mathomo, ke sefe sa bobedi, ke sefe sa boraro le seo e lego sa mafelelo. Ka morago o šomiše diswantšho go go thuša go botša mogwera wa gago kanegelo.



2





Bala dipotšišo. Botša mogwera wa gago dikarabo.

- a. Naa leina la kanegelo ye ke eng?
- b. Moanegwathwadi ke mang?
- c. Ke diphoofolo dife tseo di lego mo kanegelong?
- d. Go diragetšeng ka ngwana wa tlou?
- e. Naa o nagana gore kanegelo ye ke tiragalo ya nnete?
- f. Naa o ka hwetša mantšu a: "Naa ke wa leloko la geno?" gakae mo kanegelong?
- g. Naa o ka kgopela kwena gore e go thuše? Efa lebaka la karabo ya gago.



3

Šomiša mantšu le diswantšho gore di go  
thuše go feleletša mafoko a. Ngwala mafoko ka pukung  
ya gago ya go ngwalela.



thutlwa

khudu

tau

kwena

Bubu

"Naa ke wena mma?" gwa botšiša \_\_\_\_\_.

\_\_\_\_\_ e na le molala wo motelele.

\_\_\_\_\_ e rwala ntlo ya yona mokokotlong wa yona.

\_\_\_\_\_ e be e nyaka go ja Bubu.

\_\_\_\_\_ e kgona go rora, ebile e na le meno  
a magolo.



4

Ngwala mošongwana wo ka pukung ya gago ya go ngwalela.

- a. Hwetša mantšu a go ba le medumo ye e latelago ka kanegelong, gomme o a ngwale:

**eo**   **ee**   **ou**   **ae**

- b. Ke diphoofolo dife tše o badilego ka ga tšona mo kanegelong? Ngwala fegelwana ka morago ga leina le lengwe le le lengwe ka ntle ga la mafelelo.
- c. Ngwala mantšu ao a lego ka kholomong ya mathomo. Ka morago o ngwale mantšu ao a felelago go swana le wona.


bjang	mang	eng	kang
rora	bora	roma	molora
kwana	ngwana	nonyana	tlou

- d. Ngwala mafoko a 4 - b mabapi le seo se diragaletšego Bubu.



5

Phara setlankana go seswantšho se sengwe le se sengwe sa tše. Lentšu le lengwe le le lengwe le swanetše go ba le modumo wo: **kg**



## LELEME LA GAE MPHATO WA 2



# Puku ya I

Hlogo:	Bubu, ngwana wa tlou o a timela
Leleme:	Sepedi
Kgato ya:	Puku ya go bala Mphato wa 2 Kgato ya 2 Puku ya I
Mohuta wa sengwalwa:	Kanegelo
Mantšu a tlwaelo:	bona, leloko, botšiša, ga ke, realo, sepetše, go fihla, nyaka, noka, molala, ntlo
Tlotlontšu:	tlou, pogo, tau, rora, kubu, thutlwā, khudu, kwena, thetšwa, goga
Medumo:	th-, kh-, kw-, tl-, oo, ee, au, tšh-, ae, ea
Diteng, mareo le mabokgoni:	<ul style="list-style-type: none"><li>▪ Go bolela kanegelo gape ka go šomiša diswantšho.</li><li>▪ Go bala le go araba dipotšišo tšeо di theilwego godimo ga kanegelo.</li><li>▪ Go feleletša mafoko ka go šomiša diswantšho.</li><li>▪ Go šupa mantšu ao a rumago ka go swana.</li><li>▪ Go hwetša mantšu ao a nago le medumo ye mo kanegelong: ea, ee, ou, ao, ae, ea</li><li>▪ Go ngwala maina a diphofolo ka moka ao a lego mo kanegelong. Šomiša fegelwana ka morago ga leina le lengwe le le lengwe ka ntle ga la mafelelo.</li><li>▪ Go ngwala mafoko a 4 – 6 ka kanegelo.</li><li>▪ Go bolela ka kanegelo.</li><li>▪ Go ngwala dihlogo tša diswantšho tša gago.</li><li>▪ Go šomiša diswantšho le mantšu.</li></ul>

**SEPHOLEKE (CAPS)** se nyaka gore  
barutiši ba bee nako ka thoko letšatši ka  
letšatši go bala ka sehlopha se se itšego sa  
go hlahlwa.

Go bala ka sehlopha sa go hlahlwa go nyaka  
gore barutwana bao ba lego maemong a go  
lekana ka go bala ba bale sengwalwa sa go  
swana, ka dihlopha ka tlhahlo ya morutiši.

Morutiši o swanetše go beakanya paka ya  
go bala gore e akaretše mekgwana ya go  
bala go ya ka go bala ka go bona mantšu le  
difoneme le ya kwešišo yeo barutwana ba  
tla e hlokago ge ba bala.

Gape mekgwana ye ya go bala e nyaka gore  
go be "go bolelwa ka sengwalwa" magare  
ga morutiši le bana gape le magare ga  
barutwana mo sehlopheng.

Dipuku tše di akaretša 'go bolela  
ka sengwalwa' tekatlhao loganyo le  
mešongwana ye mengwe ya go thuša  
barutiši gore ba kgone go hlahlha go bala ka  
sehlopha ka diphapošing tše bona.

ISBN 978-1-4315-2492-1



9 781431 524921

**ISBN 978-1-4315-2492-1**



**THIS BOOK MAY NOT  
BE SOLD.**



**basic education**

Department:  
Basic Education  
**REPUBLIC OF SOUTH AFRICA**

Published by the Department of Basic Education  
222 Struben Street, Pretoria  
South Africa

© Department of Basic Education  
First edition 2016

The Department of Basic Education has made every effort to trace copyright  
holders but if any have been inadvertently overlooked, the Department will  
be pleased to make the necessary arrangements at the first opportunity.

**Dipuku tše dingwe tše  
Leleme la gae tše Mphato  
wa 2. Rakeng ya dipuku:**



**Boati o hwetša bagwera  
ba baswa**

**Bophelo bjo boima**

**Ka fao pitsi e hweditše  
mebala ya yona**

**Jerry o rata go bala**



**Bubu, ngwana wa tlou  
o a timela**

**Bagwera ba direlana bjalo**

**Lepidibitšana la go befa**



**Paesekela ye mpsha  
ya Mogorosi**

**Diphoofolo di etela lewatle**

**Leru Leruarua, o a phološa**